

آبونه شرائطی

داخلی، خارجی، مریر ایچون
سنه لکی (۲۵۰)، آلتی آیلنی

(۱۳۰) غروشدور

نسخه سی ۵ غروش

سنه لکی ۵۲ نسخه در

اداره خانه

باب عالی جاده سنده دائرة مخصوصه

اخطارات

آبونه بدلی پندردر

مسلكه موافق آثار مع المذنبه

قبول اولتور درج ایدلهین

یازیلر اعاده اولونماز

والله یهدی من یشاء الی صراط مستقیم

محمد عاکف

اشرف ادیب

اتبعون اهدکم سبیل الرشاد

کتابخانه

۱۳۳۰

دینی، فلسفی، علمی، ادبی، سیاسی هفته لقی مجموعه اسلامیه در

صاحب و مدیر مسئول

باش محرر

اخطارات

ادرس تبدیلنده آیریمه بش

غروش کوندردملیدر

مکتوبلارک امضالری واضح

واوقوناقلی اولسی و آبونه صره

نومروسی محتوی بولنسی

لازمدر

ممالک اجنبیه ایچون آبونه اولانلرک

آدرس لری ناک فرانسوزجه ده یازلسی

رجا اولتور

باره کوندردلیدیکی زمان نهیه دائر

اولدینی واضحاً بیلدیرلسی

رجا اولتور

الحرمین ایله سائر ائمه شافعیه کوره اشخاص و مواقع مقدسه یی زیارت ایچون شدر حال حرام دکدر. بونلر ده حدیث شریفی وجوه ایله تأویل ایدیورلر :

اولا : زیارت ضمنتده واقع شدر حالدن متحصل فضیلت تامه نك مساجد ثلثه یه منحصر اولدینی ، ثانیاً : نهی واقفك مساجد ثلثه دن غیری محله نماز قیلینی کندی اوزرینه نذر ایتیش اولان کیمسه یه منحصر بولندینی ، بویه برنذری ایفا مقصدیله مساجد ثلثه دن ماعدا محللر ایچون شدر حال جائز اولدینی ، بناء علیه برصالحك ویا قرینك ، یاخود برصاحب علمك زیارتی ، یاخود طلب علم ، یاخود تجارت ویا اجرای تنزه فکریله واقع اولان شدر حالك نهيك حکمنه داخل اولیه جنی رأینده بولنیورلر .

برروایتہ نظراً احمد بن حنبل حضرتلری ده نهی واقفك صلاته راجع اولدینی رأینده در . یعنی صلاة ایچون بواج مسجودن غیریسنه شدر حالی تجویز ایتماشدر .

بعضیلر تجده حدیث شریفدن غرض و مراد ، مساجد ثلثه دن غیریسنده اعتكافك عدم تجویزیدر . بونلر نظراً بر آدم بواج مسجودن بریسنده اعتكافی نذر ایدرایسه بویه برنذرك ایفاسی اوزرینه لازم اولور ، امام مالك و شافعی واحمد حضرتاتی ده بورأیده درلر . فقط ابوحنیفه حضرتلری مطلقاً واجب دکدر ، دیور .

کرمانیک روایتنه نظراً بومسئله حقنده و قتیله سوریه ده بر جوق بحث و مناظره جریان ایتیش و نتیجه سنده فخر عالم افندمرك قبرلرینك زیارتی ایچون شدر حالی تحریم ایتیش اولانلر الزام ایدلمشدر . واقعا امام مالك حضرتلری بر آدمك « پیغمبرك قبرینی زیارت ایتدم » دیمسنی مکروه عد ایتیش ایسه ده بوبابده کی اجتهادی زیارتنه تعلق ایتیوب پیغمبرله زائر آره سنده نوعاً مساواتی احساس ایتکده اولدیغندن ناشی مخالف ادب عد ایتیش اولدیغندن نشأت ایلکده در . بوده محققینك تحقیقاتلریله ثابتدر . حضرت رسول کریمك زیارت قبرلری مشروع و فیوضات و مادیه و معنویه ایچون وسیله استشفاع اولدینی اجماع امتله ثابتدر . همده حدیث شریفی بشقه صورتله ده تأویل امکانی مفقوددر . چونکه (الا الى ثلثة مساجد) عبارده سیله واقع اولان استناده مستثنی منه مخذوف اولدیغنه کوره او مخذوفی یا برلفظ عام مراد ایدمه جکزه بوضوئیه کوره حدیثك معنایی « هانکی بر ایشدن طولای اولورسه اولسون مساجد ثلثه دن غیری هیچ بر محله شدر حل اولنیه جقدر » دیه جکزه ، یاخود حدیث شریفی محققینك تحقیقاتی وجهله صلات ایله تأویل ایدمه جکزه . برنجی صورتك امکانی یوقدر . چونکه او حالده تجارت ، صله رحم ، طلب علم ایچون شدر حالك جائز اولماسی لازم کلور . بوایه اوله من . او حالده مسئله ایکنجی شقه انحصار ایدرکه حدیثدن مقصدك صلات اولدینی جهتیدر . بوندن بشقه (من زارنی وجنت له شفای) (کنت نهیتکم عن زیارة القبور الا فزوروها) حدیث شریفلری ده بوبابده کی حقایق شرعییه صراحة کوستر .

دیگر مقاله لرده ده بیان اولندینی اوزره بعض عوام ناسك قبور اولیای حین زیارتلرنده اجرا ایتکده اولدقلری برطاقیم مراسله اومزار حقنده بسلمکده اولدقلری اعتقاد شایان قبول دکلمه ده بونکله برابر بوقیلدن اولانلرک اکثریسنده جناب حقندن بشقه برکیمسه ده بر قدرت مؤثره نك موجود اولدینی اعتقادی متمرکز اولدینی ده جای اشتباه دکدر . شو حالده بویوزدن بر اسلامك تکفیری جهتنه کیتمك غایت خطرناک بر مسئله در .

محمد بن عبد الوهابك منع ایتیش اولدینی شیلردن بری ده اولیای کرام حضرتانك مزارلری اوزرلرنده پاییلان یالیزلی و مزین قبه لردر . ذاتاً بوکی شیلرک عوام ناسك اعتقادلری اوزرنده برسوء تأثیر اجرا و فتنه یه سببیت ویره جکندن ناشی فقهای اسلامیه جهده مکروه عد ایدلمشدر . محمد بن عبد الوهابك اجتهاد نجه توتون استعمالی ده محرماندندر . بوبابده کی اجتهادی ایسه بوکا قائل اولان بعض فقهایك آثارندن مأخوذدر . کرچه بوبابده بین العلماء بر اختلافك موجود اولدینی معلوم ایسه ده اولا توتونك حرمتی حقنده نص وارد اولدینی ، ثانیاً اشیاده اصل اولان اباحه اولدینی جهتنه حرمتی جهتنه کیدیله من . زیرا دلیل حرمت موجود دکدر . تحریم ایسه دلیله محتاجدر . قیاس طریقه ده کیدیله میه جک . چونکه قرن رابعدن ، بلکه ده اواخر قرن ثالثه دن اعتباراً اوصاف اجتهادی حائر ذوات یتیشه مدیکی امور معلومه دندر . تحریمه قائل اولانلردن بعضلری توتونده خاصه اسکارك موجود اولدینی ادعاسنده ایسه لرده بوادعائك اصلسز بر مکابره دن عبارت اولدینی استعمال ایدنلرجه خفی دکدر .

الایمان بضع وسبعون شعبه . . .

۲

دین اسلامده اعمال حسنه نك نجات و نجاتی مستلزم اولدینی معلوم اولغله برابر بواعمال حسنه یه مقابل کوردیکی و کوره جکی اییلک و مکافاتلری قطعاً کندی عملنه عطف ایتیوب آنجق لطف و توفیق الهی نتیجه سی اولدیغنه اعتقاد ایتکده لازمدر . زیرا انسان نقدر اعمال صالحه ایشلر سه ینه خالقنه قارشو بورجلی اولدینی عبادتی و نائل اولدینی نم لایحصانك شکرینی حقیله ادا وایفا ایدمه من . ایکی جهتدن قولك قصور سزاومسی پك مشکل بولمنسه منی الله طرفندن مکافات و مثوباته نائل اولدیه جمله سنی عنایت و لطف خدا بیلمسی لازم کله جکندن مسلمانك دائماً اعمالك عند الهیده مظهر قبول و حسب البشریه خالی اولیه جنی تقصیر . تکهده مغفور اولمسی و دنیوی ، اخروی سعادتله نائلیتی ایچون جناب حقه رجا و دعادن خالی قالماسی اقتضا ایدر . اگر بوخوف و رجا اولمسه انسانك خالی پك خراب اولورایدی . چونکه قبا صوفیلر مجرد اعمالنه کوه نسه عجب و عظمته دوچار اوله رق دنیا و آخرتده گرفتار خسران اولور . کنساهکارده رجا ایله عفو الهی یه نائل اوله بیله جکمه امیدوار

اولمسی ده بونک ایچوندر . ینه بونک ایچوندرکه : « صاغ الک ویردیکنی
صول ال طویما ملیدر » سوزی هر مسلمانک قلبنده برطو تشدر . بونده کی
ذوق وجدانی لذتی بیلیمین بر مسلمان یوقدر .

معافیہ وظیفہ تلقینسندہ بودرجه کماله یوکسله مین عوام طبقه سی
بیلہ ، اعمالہ اخلاصک وجوب واهمیتی پک زیادہ تقدیر ایتکده در .
اوامر دینہ نک عمومہ شامل یعنی وظیفہ نک کلی وعمومی اولمسی ،
خواص وعوام ، بوتون مسلمانارہ اعمالہ اخلاصک غایہ یکانہ اولدینی
فکرینی تلقین ایتیش اولدیندن ہیندہ اخلاصہ بر تمایل واردر . شوقدرکہ
بو اخلاص ہینسندہ بالفعل موجود اولہ میور . بدیہی بر حقیقتدرکہ :
بوتون انسانلرک تربیہ روحیہ سی وتصحیح اخلاقی نقطہ نظرندن حقایق
مجردہ بی تلقین ایتک بر دوا ی کافی دکدر . نفوس بشریہ نک کالات
اخلاقیہ واصل اولہ بیلیمسی ایچون ترہیب وترغیب مادیہ بہ احتیاج
واردر . چونکہ حقایق مجردہ ایچون منفعت مادیہ سنی فدا ایدہ جک
یوزدہ قاج کشی تصور ایدیلہ بیلیر ! .. ایشہ بو جہتی نظر اعتبارہ
آلان شریعت اسلامیہ ترغیبات وترہیبات مشخصہ ، سعادت وشقاوت
اخرویہ نک تفصیل احوالہ پک زیادہ اعتنا ایتشدہ . بناء علیہ شریعت
مطہرہ اسلامیہ نک ناسی طریق خیر وصلاحہ سوق ایچون ایتدیکنی
خطابلرک موضوعی ایکی درجہ لی اولمش اولیور :

۱ — سعادت محضہ ورضای الہی ؛

۲ — ثواب وعقاب اخروی .

شایان دقتدرکہ : اسلامیتدہ سائق فضیلت اولان ثواب وعقاب
اخروی ، فکر منفعت یعنی مذاہب فلسفیہ نک تلقین ایلدیکنی منفعت
مبدأندن پک چوق بوکسک وحقی اولنلہ ہیچ برعلاقہ سی یوقدر .

اسلامیتدہ منفعت ، منفعت مسجلہ دکل ، منفعت مؤجلہ در . بو منفعت
مؤجلہ ، نشأہ اولای بشریہ دہ تربیہ فکریہ وروحیہ ی تسہیل ایدہ جکی
ایچون ارادہ نک برغایہ قیمتدارہ قولایجہ توجہ ایتسنہ دہ یاردم ایدیور .
بو اعتبار ایلہ وظیفہ سنی بر منفعت اخرویہ سوداسیلہ ایفا ایدنلر بیلہ ،
منفعت اخرویہ ملاحظہ سیلہ برابر ، کائناتک نظام اکمل اوزرینہ
یارادان ، نوع بشر ایچون سعادت دنیویہ و اخرویہ سنی کافل وفطرت
اصلیہ سنہ الک موافق قانونلری وضع ایدن اللہک امرینہ انقیادی دوشونہ .
جک لرندن نتیجہ الامر ، ینہ عمللرینک مقتضیسی بر خیر محض اولمش
اولوز . بناء علیہ مسلمانلرجه (سائق وظیفہ) ایکی درجہ لی اولملہ برابر
راسیونا لیستلرک انسانلری کمکلف طومق ایستدکلری مشہور « وظیفہ ،
وظیفہ اولدینی ایچون ایفا ایدیلیر . وظیفہ دن مقصد و غایہ ، ینہ وظیفہ در ،
تعبیر دیکرلہ قانونہ حرمت واطاعتدر ، قاعدہ کلیہ سنہ تمامیلہ موافق
برطرزدہ حرکت ایدلش اولیور .

احمد نظمی

اولمسی یأس وقتورہ و بویأس ایلہ ہر نوع فائق اجر اسنہ متجاسر اولور .
ایشہ جناب حقک قرآن عظیم الشاندہ (انہ لایأس من روح اللہ الا القوم
الکافرون) و (لا تقنطوا من رحمۃ اللہ) آیت جلیلہ لری دہ تسلی وقوت
بخش قلوب اولان بینات عظیمہ دندر .

بردہ مسلمانلقدہ بر مقام (تقوی) واردرکہ بوتون اعمالی ،
عبادات وطاماتی ہیچ بر منفعت کوزیمہ رک صرف رضای باری ایچون ،
امر الہی اولدینی ایچون یا بقدر . اعمال و افعاللرک منفعت مقابل دکل ،
رضای باری ایچون یا بیلیم لازم کلہ جکی ایسہ مسلمانلرک خواص
وعوامنجه معلوم بر فکر مشترکدر . زیرا قرآن دہ سعادت دنیویہ
واخرویہ نک انواعی تعداد ایدلہ کدن صکرہ : « جناب حقک رضای بونلرک
ہینسندن بویوکدر . فوز عظیم ایشہ بورضواندر ؛ رضای الہی بی تحصیل
ایدنلر درکہ اک بیوک سعادتہ نائل اولورلر . » بیوریلیور .

دین اسلامہ کورہ ہر ہانکی بر عمل خالص اولمق ایچون (لوجہ اللہ
باشقہ برشی دوشونمکسزین یالکز رضای باری ایچون) اولمق لازمدر .
حضرت عمر بن الخطاب رضی اللہ عنہ ، اصحابدن صہیب رومی حقندہ
(اللہ تعالیٰ حضرتلری صہیبہ رحمت ایتسون . ایمانی او قدر قویدرکہ
اللہ دن قورقوسی اولمہ دہ کندیسنہ عذابدن امان نازل اولسہ ینہ
اکا عصیان ایتز . » بیوریورلر . حضرت عمر بن الخطابک شوافادہ سندن دہ
آکلا شیلدیورکہ : اطاعت وعبادتک اک بیوکی والک افضلی واجب الاتباع
اولان مقام اعلا ی الوہیتک جلات قدرینہ احترامدن نشأت ایدن
عبادت و طاعتدر ؛ اصل رضای الہی دہ بوندہ در .

سفیان ثوری رابعہ عدویہ « ایمانکک حقیقی نہدر ؟ » دی .
صورتجہ او : « اللہک نہ جہنمندن قورقدیم ، نہ دہ جتنی سودیکم ایچون
عبادت ایتیش دکل . یوقسہ کوتو خدمتکاردن نہ فرقم قالیر ؟ بن اوکا
محبتدن ، اشتیاقدن طولای عبادت ایدرم » جوابی ویریور .

ابو سلیمان دارانی دہ شویلہ دیور : « اللہک اویلہ قوللری واردرکہ ،
آنلری نہ جہنم قورقوسی ، نہ جنت امید ی اللہدن غافل براقاز . یعنی اللہی
تفکر بوکی شیلری عقللرینہ کتیرمز ؛ نرہ دہ قالدی کہ دنیای ! »

بورایہ عائد ذکر ایدیہ جک احادیث آثار او قدر چوقدرکہ اونلری
تعداد ایلہ بتیرہ میہ جکمز ی سویلہ مکلا اکتفا ایدہ در . مسلمانلقدہ اصل
مہم اولان بر جہت دہا واردرکہ اودہ : وظیفہ دہ بر منفعت دوشونجہ سی
اولدینی کی ، احراز شان وغرور غایہ سنک دہ مقبول اولہ مسی در .
چونکہ صاحب شریعت بو خصوصدہ اخلاصی امر ایدیور : « ای ناس !
اعمالکک لوجہ اللہ اولماسنہ ، اوکا باشقہ ہیچ بریت قاریشماسنہ
دقت ایدیکز . زیرا اللہ تعالیٰ اعمال ایچندہ خالص اولہ رق کندی
رضای ایچون یا بیلیمش اولانلردن باشقہ سنی قبول ایتز ، » « جناب اللہ
عماک یالکز خالص اولانی ووجہ ذوالجلال طلب ایدیہ رک یا بیلانی
قبول ایدر . »

مسلمانلقدہ اعمال صالحہ نک کیزلی اولانی آجیق اولانہ مرجع